



佛 說 四 十 二 章 經
佛 佛 遺 大 教 人 覺 經
佛 說 八 大 人 覺 經

佛說八大人覺經

佛說八大人覺經
PDG

佛說八大人覺經

後漢沙門安世高譯

一 總標

爲佛弟子，常於晝夜，至心誦念八大人覺。

二 別明 內分八覺

一 世間無常覺

一作無常
無我覺

第一覺悟，世間無常，國土危脆，四大苦空，五陰無我，生滅變異，虛偽無主。心是惡源，形爲罪藪。如是觀察，漸離

佛說八大人覺經

生死。

二多欲爲苦覺

一作常修
欲覺

第二覺知，多欲爲苦，生死疲勞，從貪欲起，少欲無爲，身心自在。

三心無厭足覺

一作知足
守道覺

第三覺知，心無厭足，惟得多求，增長罪惡，菩薩不爾，常念知足。安貧守道，惟慧是業。

四懈怠墜落覺

一作常行
精進覺

第四覺知，懈怠墜落。常行精進，破煩惱惡。催伏四魔，出陰界獄。

五愚痴生死覺

一作多聞
智慧覺

第五覺悟，愚痴生死。菩薩常念，廣學多聞，增長智慧。成就辯才，教化一切，悉以大樂。

六貧苦多怨覺

一作布施
平等覺

第六覺知，貧苦多怨，橫結惡緣。菩薩布施，等念怨親，不念舊惡，不憎惡人。

佛說八大人覺經

三

七五欲過患覺

一作出家
梵行覺

第七覺悟，五欲過患。雖爲俗人，不染世樂。常念三衣，瓦鉢法器。志願出家，守道清白。梵行高遠，慈悲一切。

八生死熾然苦惱無量覺

一作大心
普海覺

第八覺知，生死熾然，苦惱無量。發大乘心，普濟一切。願代衆生受無量苦，令諸衆生，畢竟大樂。

三 結歎

如此八事，乃是諸佛菩薩大人之所覺悟，精進行道，慈

悲修慧，乘法身船，至涅槃岸，復還生死度脫衆生。以前八事，開導一切，令諸衆生覺生死苦，捨離五欲，修心聖道。若佛弟子誦此八事，於念念中，滅無量罪，進趣菩提。速登正覺，永斷生死，常住快樂。

佛說八大人覺經終

佛說八大人覺經

明蕩益大師云，念佛工夫，祇貴真實，信心第一。要信我是未成之佛，彌陀是已成之佛，其體無二。次信娑婆的是苦，安養的可歸，熾然欣厭。次信現前一舉一動，皆可迴向西方。若不迴向，雖上品善，亦不往生。若知迴向，雖誤作惡行，速斷相續心，起殷重懺悔，懺悔之力，亦能往生，持戒修福，種種勝集，豈不足以莊嚴淨土。